

## 2. ԱՏՈՐՈՒՄՆԵՐ ԴԺՈՒՔՈՒՄ

Մենք ոտք դրեցինք մի համակարգից մյուսը և ինքներս մեզ սփոփեցինք, ուրեմն, ամեն ինչ լավ կլինի, մեզ հետ են Արցախի ազատագրման առաջամարտիկները, նրանց օգնությամբ մենք կվերականգնենք դժոխքի կալվածատիրոջ կողմից ոտնահարված արդարությունը, քանզի բոլորս մի սիրտ ենք ու մի հոգի, մի մարմին ենք ու մի բունցք: Մեր կամքը չի կարողացել կոտրել նույնիսկ այն դժոխային ու խիստ կասկածելի երկրացունցը, որը սարսուռի պես անցավ հարյուր հազարվոր հայ մարտիկների վրայով, գետնատակ տալով նրանցից շատերին: Ավերակների տակից փրկվածների առաջին հարցը լինում էր ի՞նչ եղավ Ղարաբաղի հարցը:

Եվ, իրո՞ք, ոչ մի հայ անտարբեր չէր անցել հայրենիքի ճակատագրի կողքով: Սա հենց այն դեպքն էր, երբ ամբողջ ժողովրդի կամքը կարծրացել ու դարձել էր մի բունցք: Միայն մնում էր այդ բունցքով շարդել դժոխքի երկրորդ պարունակի դուռը և տանջեցյալներին փոխադրել առավել տանելի հաջորդ պարունակը: Սակայն կատարվեց անսպասելին, դեռևս չբլուծած ընթացիկ հարցը՝ երկրորդական պլան մղվեց Արցախի ճակատագիրը: Ասել կուզի, որ հայ ժողովրդի միասնական բռնունցքը բացվելով՝ նորից բաժանվեց մատուցելու:

Բունցքը միանգամից թուլացավ, Արցախը մնաց երկրորդական պլանում, և ակերիները ձեռքները շփելով և գողանալով հայերի գրեթե բոլոր անասունները, ուրախությունից դուրբան արեցին դրանք պլանին և վերականգնելով իրենց կորուսյալ հավատը Լեռնային Ղարաբաղի վերազավթման նկատմամբ, խլեցին նախաձեռնությունը և անցան բացահայտ կեղծիքի՝ առաջ քաշելով Ղարաբաղի ադրբեջանական պատկանելության առաապելը և արդարացնելով իրենց բարբարոսությունները:

Այսօր յոթ միլիոնանոց Ադրբեջանը «հերոսական» պատերազմ է մղում հարյուր հիսուն հազար արցախցիների դեմ:

Առաջին հերթին ահա հենց այս պատճառով է, որ մենք իրավունք չունեինք բացելու մեր սեղմված բունցքը և հեշտությամբ գիջելու: Գետաշենը իր շրջակա բոլոր գյուղերով, Հադրութի շրջանի մի զգալի մասը: Դեռ լավ է, որ թշնամին այդ օրերին լրջորեն ջախջախվեց Հայաստանին սահմանամերձ Խժաբերդի մատուցներում, այդպես Արցախը ետ կշարտվեր մայր հայրենիքից տասնյակ կիլոմետրերով:

Արցախի նշանակությունը հասկանում էր հավաքական հայ ժողովուրդը: Հասկանում էր, երբ միասնական բունցք էր դարձել չարի թագավորության դեմ: Բայց երբ նորից բաժանվեց մատուցների ու հողերի,

փոխվեց հայ մարդկանց բնավորությունը, նրանց ապրելակերպն ու վարվելակերպը, և կյանցից շատերն արդեն չեն հասկանում «Չկա Ղարաբաղ՝ չկա Հայաստան» անարկելի ճշմարտությունը: Ես ավելի քան համոզված եմ, եթե արցախյան հիմնահարցի լուծման ճանապարհին մեր պատվամենտում երկշտության փոխարեն հանդես քերվեր միասնություն, ապա այսօր մեր մարդկային, կենսական ու տարածքային կորուստները կլինեին, եթե ոչ լիովին բացառված, ապա նվազագույնս: Եթե ամեն ինչ արվում է պետական մակարդակով, ապա ազդակները հաղորդվում են յուրաքանչյուր անհատի, և յուրաքանչյուր անհատ կամա թե ակամա դառնում է հիմնահարցի լուծման մասնակից: Դա էլ իր հերթին հասկացնել է տալիս թշնամուն, որ նա չի կարող իր հաշիվները կառուցել մեր թույությունների վրա, հետևաբար անպատիժ չի մնա ավազակությունների, շրջափակումների, անասնագողության ու պատմաշակութագողության համար:

Ադրբեջանն իրեն հայտարարեց անկախ պետություն, և Թուրքիան անմիջապես ճանաչեց նրա անկախությունը: Լեռնային Ղարաբաղը իրեն հայտարարեց անկախ պետություն, և Հայաստանի պառլամենտը սպասում է, թե երբ Արցախի անկախության ճանաչումն սկստեղի վրա իրենց հայրենակիցներին կմատուցեն աշխարհի պատվամենտներն ու մեջլիսները,

իսկ դրանից հետո արդեն տեխնիկայի, հարց կլինի նրա անկախության ճանաչումը Հայաստանի կողմից... Հասարակական պայսի քաղաքականությունը ջրատում է մարդկանց ուժերը, փոխում նրանց հոգեբանությունը ներկայի և ապագայի հանդեպ, և նրանք, ոտնատակ տալով անցյալը, ու նաև խեղաթյուրված սկստեղծություններ ունենալով ապագայի նկատմամբ, ներկայի հետ վարվում են ամենտանցակալի եղանակներով: Այժմ անդրադարձանք հայ մարդկանց անցման շրջանի հոգեբանությանը և վարքուբարքին: Գեղեցիկ բացառությունները մի կողմ դնենք և շտուկներ ազգի վրա ստվեր նետող տգեղ երևույթների մասին: Խոսենք և ճանաչենք բոլոր նրանց, ովքեր մի-մի դույլ ձյուր վերցրած՝ շարունակում են բորբոքել դժոխքի առանց այդ էլ հեղձուցիչ կաթսաները: Եվ այսպես...

Բայց, ո՞չ, մենք անուններ չենք տա, քանզի դրանց ցուցակը կարելի է ճշտել միայն ապագայում, եթե, իհարկե, կարողանանք ողջ ու ստողջ դուրս պրծնել կայրատնից ու ոտք դնել... առայժմ քաղաքան: Թեև բացառված չէ, որ նրանք դարձյալ խորամանկելով՝ մեզ կթողնեն այնտեղ և իրենք առոք-փառոք կանապարեն դեպի դրախտի գերագույն աստիճանները: Ի միջի այլոց, սա արդեն այլ թեմա է և դրա շուրջ գուցե արժե խոսել հաջորդ անգամ:

Արտաշես ՊՈՂՈՍՅԱՆ